



Black Friday

Internationaler Klimastreik am 29. November 2019

Höt esches weder sowit. Es esch black Friday. Ou bekannt us dä Tag em Johr, a däm aui Sache choufe wo si eigentlech ned bruuche abers trotzdem mache, eifach wös a däm Tag no gönschtiger esch as sösch. Us ergendemne Grund hei aui Industriestaate dä wilkürlechi Tag vo de USA öbernoh, zom a däm Konsumgüeter zo no froglereche Priise zverhoufe. De Grund esch aber ned so willkürlech, wie me em erschte Momänt dänkt. Er liit i eusem System eigentlech uf de Hand. I Eusem System werd de wertschaftlech Profit schwärer Gwechtet aus fariri Arbeitsbedengige oder de Schotz vo eusere Omwäut. Dord Ddoresetzig vo sötigne Trends loht sech no liechter meh Umsatz loh erziele ond treit zom Wachstomszwang bi, vo däm euses System läbt. Med grosse Rabattaktione wärde Konsumäntinne ond Konsumänte zo no meh Konsum drängt. Ehne wärde stetig wachsendi Konsumnorme ufzwängt. Eusi Bedürfnisbefredigong ond Zfredeheit wird debii emmer höher ond emmer realitätsfärner.

Mer wösse aui, dass eusi Grundbedörfnis längstens deckt si, ond dass mer dor emmer meh eifach nömm emmer glöcklecher wärde. Mer wösse, dass es T-Shirt för 15 Franke, oder am black Friday velch för 5, ned onder mönschewördige Bedenige cha härgstöt worde si. Mer wösse, dass eusi Omwäut dor euse öbermässigi Konsum usbütet ond zerstört werd. Trotzdem wärde sötigi Chäuf dor eusi Wertschaft legitimiert. Es schiint völlig verträtar ond nötig e sötige Chouf iizgo. Zämegfasst heisst das auso, dass mer emne System läbe, wo dUsnötzig vo de Omwäut sowie ou e soziali Abwäuzig uf Entweckligsländer, grad amne Tag wie höt, propagiert.

Ond wöu e mine Ouge sones System weder grächt esch, no langfrestig cha funktioniere, freuts mi mega fescht, dass der höt aui do siit, zom zäme med mer z zeige, dass das ned en Ordng esch. Dassmer die Usbütig uf verschede Ebene erkönnt hei ond ufd Stross goi zom uf die Ongerächtigkeit ufmerksam mache. Dassmer gäge dä augägewartig Wachstumszwang kämpfe, dor dä so vöu kabot goht. Ond, dass das onändleche Wachstum ufemne Planet med ändleche Ressource jetzt moss ufhöre!
SYSTEM CHANGE NOT CLIMATE CHANGE!